

Në bazë të nenit 118, të Ligjit për arsimin e lartë të Republikës së Maqedonisë dhe neneve: 60, 68 dhe 69, të Statutit të UEJL-së, si dhe duke u bazuar në vendimin e Këshillit mësimor shkencor të UEJL-së, të 12 prillit 2005, pas shqyrtimit në mbledhjen e Senatit të UEJL- së, të datës 28 prill 2005, në mbledhjen e Senatit të UEJL-së, të mbajtur më 13 qershor 2005, aprovon:

## **Rregullore për fitimin e shkallës doktor shkencash në UEJL**

### **Dispozitat e përgjithshme**

#### **Neni 1**

Me këtë Rregullore rregullohet fitimi i shkallës së doktorit të shkencave për fushat e studimeve në UEJL, që zhvillohen në fakultetet e: Administratës Publike, të Administrimit të Biznesit, Fakultetit të Drejtësisë, të Fakultetit të Shkencave Kompjuterike dhe Teknologjisë së Komunikimit dhe Fakultetit Pedagogjik.

#### **Neni 2**

Shkalla shkencore e doktorit të shkencave në UEJL, fitohet përmes:

- 2.1. Kryerjes së studimeve të doktoraturës, ose
- 2.2. Me paraqitjen dhe mbrojtjen e disertacionit të doktoraturës.

#### **Neni 3**

- 3.1. Studimet e doktoraturës në kuptim të nenit 2.1. janë studime të rregullta trevjeçare të ciklit të tretë, konform modelit të Bolonjës.
- 3.2. Studimet e doktoraturës do të organizohen për fushat e studimeve që zhvillohen në pesë fakultetet e UEJL-së.
- 3.3. Studimet e doktoraturës do të organizohen në UEJL, pas aprovimit të plan-programit të këtyre studimeve dhe akreditimit të tij.
- 3.4. Në nivel të UEJL-së do të themelohet zyra për studime të doktoraturës, që do të udhëhiqet nga drejtori i emëruar nga ana e Rektoratit.
- 3.5. Në nivel të fakulteteve, me pranimin e kërkesave për tezën e doktoraturës dhe udhëheqjen e procesit të doktorimit do të merret shërbimi i veçantë i dekanatit për studime të doktoraturës, nën mbikqyrjen e Dekanit.

#### **Neni 4**

Deri në fillimin e studimeve të doktoraturës, shkalla e doktorit të shkencave në UEJL do të fitohet me paraqitjen dhe mbrojtjen e disertacionit të doktoraturës, sipas sistemit të mentorimit.

#### **Neni 5**

5.1. Disertacioni i doktoratit është punë e pavarur shkencore që është rezultat i kërkimit të pavarur hulumtues dhe paraqet kontribut për zhvillim të asaj fushe shkencore.

5.2. Kandidati, hulumtimin shkencor që është pjesë e tezës së doktoraturës, mund ta kryej në qendrën përkatëse për hulumtime shkencore të fakultetit ku paraqitet teza e doktoraturës, apo në ndonjë qendër të huaj hulumtuese - shkencore.

5.3. Në UEJL lejohet vetëm punimi i tezave origjinale të doktoraturës, të cilat paraqiten për të parën herë në fakultetet e tij.

#### **Paraqitja e disertacionit të doktoraturës dhe kushtet për fitimin e shkallës së doktorit të shkencave**

#### **Neni 6**

6.1. Disertacionin e doktoraturës në fakultetet e UEJL- së mund ta paraqesë personi që ka shtetësinë e Republikës së Maqedonisë, apo personi me shtetësi tjetër, i cili ka kryer studimet pasdiplomike dhe ka fituar shkallën e magjistrisë të shkencave.

6.2. Disertacionin e doktoraturës mund ta paraqesë kandidati që është staf akademik i UEJL-së.

6.3. Disertacioni i doktoraturës mund të paraqitet vetëm nga fusha për të cilën ekzistojnë studime në ciklin e parë dhe të dytë në pesë fakultetet e UEJL-së.

#### **Neni 7**

7.1. Kandidati i paraqet kërkesën Këshillit mësimor shkencor të Fakultetit, ku bie fusha e studimit që trajtohet në disertacionin e doktoraturës.

7.2. Tema e zgjedhur e kandidatit duhet të jetë origjinale dhe të paraqitet për të parën herë.

7.3. Me të pranuar kërkesën e kandidatit për tezën e doktoraturës, Dekani i fakultetit përkatës, para thirrjes së mbledhjes së Këshillit mësimor shkencor të fakultetit për caktimin e komisionit për vlerësimin e përshtatshmërisë së temës dhe të kandidatit, cakton një vlerësues të huaj të temës.

7.4. Kandidati duhet që dekanatit të fakultetit fillimisht t'ia dorëzoj një ide të përgjithshme të tezës, me kapitujt dhe aresyeshmërinë e tezës, në gjuhën angleze prej 1-10 faqesh.

7.5. Pas marrjes së vlerësimit pozitiv nga vlerësuesi i huaj, dekani i fakultetit thërret mbledhjen e Këshillit mësimor shkencor të fakultetit për caktimin e komisionit për vlerësim të kandidatit dhe të tezës së paraqitur të doktoraturës.

7.6. Nëse Këshilli i Fakultetit konstaton se kërkesa bie në fushat e studimeve të atij fakulteti, caktohet komisioni për vlerësimin e kandidatit dhe të tezës së doktoraturës prej 3-5 anëtarë dhe për këtë si dhe për vlerësimin pozitiv të vlerësuesit të huaj e informon

Këshillin mësimor shkencor të UEJL-së, me ç'rast propozon lejimin e fillimit të procedurës për punimin e disertacionit të doktoraturës.

7.7. Hyrja në fuqi e kësaj rregullore nuk pengon dekanatet e fakulteteve të fillojnë procedurën e pranimit të kërkesave të kandidatëve dhe caktimin e vlerësuesve ndërkombëtar.

### **Neni 8**

Disertacioni i doktoraturës mund të punohet dhe publikisht të mbrohet në gjuhët: shqipe, maqedonase, ose në gjuhën angleze.

### **Neni 9**

Shpenzimet për fitimin e shkallës së doktorit të shkencave i paguan kandidati në vlerën e përcaktuar me vendim të veçantë nga ana e Rektoratit të UEJL- së.

### **Neni 10**

10.1. Kandidati me kërkesë paraqet edhe:

- titullin e tezës së doktoraturës, së bashku me:
- shënimet personale dhe moshën
- biografinë e shkurtër akademike me bibliografinë e punimeve shkencore të publikuara
- dëshminë për kryerjen e studimeve pasdiplomike në shkallë të magjistrisë të shkencave
- fushën e studimeve ku bie tema që trajtohet në disertacionin e doktoraturës
- paraqitjen e shkurtër të temës me hipotezën që ngre kandidati,
- aktualitetin e temës
- rëndësinë dhe arsyeshmërinë e saj për zhvillimin e përgjithshëm shoqëror,
- metodën që do ta përdor gjatë punimit të disertacionit të doktoraturës
- strukturimin e temës me literaturën orientuese që mendon të shfrytëzoj dhe
- propozimin e mentorit që do ta udhëheq punimin e disertacionit të doktoraturës

10.2. Për t'u lejuar punimi i tezës së doktoraturës, kandidati duhet të ketë së paku një kumtesë të prezantuar në një konferencë ndërkombëtare.

10.3. Në rast se kandidati nuk ka asnjë prezantim në ndonjë konferencë ndërkombëtare, atij i pranohet se paku një punim i botuar në ndonjë revistë ndërkombëtare.

10.4. Nëse kandidati nuk e plotëson asnjërin nga kushtet e paraqitura në nenet: 10.2-10.3. atëherë ai duhet të ketë botuar së paku dy monografi në vend nga fusha në të cilën bie teza e doktoraturës.

### **Neni 11**

11.1. Këshilli mësimor shkencor i Fakultetit, pasi të ketë informuar Këshillin mësimor shkencor të UEJL- së, vendos brenda afatit 15 ditësh lidhur me kërkesën e paraqitur:

- Duke e lejuar, apo
- Duke e refuzuar kërkesën, me arsyetimin se titulli i disertacionit nuk bie në fushën e studimeve që zhvillohen në atë fakultet apo se kandidati nuk i plotëson kushtet e përcaktuara me nenet: 5-10 të kësaj rregullore.

11.2. Kundër vendimeve të Këshillit mësimor shkencor të Fakultetit, nga paragrafi 1 i këtij neni, kandidati ka të drejtë ankese Këshillit mësimor shkencor të UEJL- së në afat prej 15 ditësh.

## **Neni 12**

12.1. Nëse nuk ka pengesa nga neni 11 i kësaj rregulloreje, kërkesa e kandidatit vlerësohet nga komisioni i përbërë prej 3-5 anëtarëve të fakultetit, i caktuar me propozimin e Dekanit dhe i aprovuar nga ana e Këshillit mësimor shkencor të fakultetit.

12.2. Komisioni bën vlerësimin e përshtatshmërisë së temës dhe të kandidatit në afatin prej 15 ditësh nga paraqitja e kërkesës.

12.3. Anëtarët e komisionit, mund të jenë vendor apo të huaj kompetent për fushën përkatëse ku bie teza e doktoraturës dhe duhet të kenë së paku thirrjen akademike docent.

12.4. Njëri nga anëtarët e komisionit është njëkohësisht edhe mentor.

12.5. Kryetari, anëtarët e komisionit dhe mentori për punën e tyre paguhet.

12.6. Lartësia e pagesës nga neni 12.5 caktohet me vendimi të posaçëm të Rektoratit të UEJL- së.

## **Neni 13**

13.1. Për mentor, Këshilli mësimor shkencor i Fakultetit, cakton personin i cili duhet të jetë ekspert i afirmuar nga rradhët e stafit akademik të fakultetit apo jashta tij- kompetent për fushën që ka të bëjë me disertacionin e doktoraturës.

13.2. Një mentor mund të udhëheq më së shumti me një tezë doktore të një kandidati.

## **Neni 14**

Këshilli mësimor shkencor i fakultetit, në afatin prej 15 ditësh pas marrjes së mendimit pozitiv të komisionit, lejon fillimin e punës së tezës së doktoraturës, kurse titulli i temës me emrin e kandidatit, të mentorit dhe të anëtarëve të komisionit shpallen në buletin e UEJL- së dhe në web faqen e UEJL- së në gjuhën: shqipe, maqedonase dhe angleze.

## **Punimi i disertacionit të doktoraturës**

### **Neni 15**

15.1. Disertacioni i doktoraturës shkruhet në gjuhën të cilën e cakton kandidati, me rezyrenë e obligueshme në gjuhën angleze.

15.2. Gjatë punimit të disertacionit të doktoraturës, kandidati i përmbahet sygjërimeve dhe këshillave të mentorit.

15.3. Pas përfundimit të shkrimit të disertacionit të doktoraturës dhe pasi që mentori vlerëson se kandidati ka përfunduar me sukses hartimin e saj, mentori i paraqet raport Këshillit mësimor shkencor të Fakultetit.

15.4.

Mbrojtja publike e tezës së paraqitur të doktoraturës, mund të lejohet pasi të kalojnë së paku 2 vjet nga dita e lejimit të punimit të doktoraturës, por jo më gjatë se 5 vite nga dita e lejimit të punimit.

### **Neni 16**

16.1. Këshilli mësimor shkencor, pas marrjes së vlerësimit pozitiv të mentorit për përfundimin e punës së kandidatit në disertacionin e doktoraturës, cakton komisionin 5 anëtarësh për mbrojtjen e disertacionit të doktoraturës në afatin prej 15 ditësh nga marrja e këtij vlerësimi pozitiv mentorial.

16.2. Këshilli, mundet të vendos që i njejtë komision i lejimit të disertacionit të doktoraturës të jetë edhe komision për mbrojtjen e saj.

### **Neni 17**

17.1. Kandidati, pas caktimit të komisionit për mbrojtje publike i dorëzon dekanatit të fakultetit 8 kopje të disertacionit të doktoraturës.

17.2. Punimi i dorëzuar të disertacionit të doktoraturës mbetet i hapur për shqyrtim publik 30 ditë, duke i dhënë mundësi stafit të fakultetit që të njohtohet me punimin.

### **Neni 18**

Pas kalimit të afatit 30 ditësh për shqyrtimin publik të punimit, Komisioni për mbrojtjen e disertacionit në afat prej 15 ditësh i paraqet recensionin për lejimin e mbrojtjes publike, i cili botohet në buletin e UEJL- së dhe në web faqen e UEJL- së.

### **Neni 19**

Këshilli i fakultetit në afat prej 15 ditësh nga marrja e recensionit pozitiv për mbrojtjen e disertacionit të doktoraturës cakton datën e mbrojtjes publike të disertacionit të doktoraturës.

## **Mbrojtja e disertacionit të doktoraturës**

### **Neni 20**

20.1. Kandidati mbron publikisht disertacionin e doktoraturës para komisionit për mbrojtje.

20.2. Dita dhe vendi i mbrojtjes publike, emri i kandidatit dhe titulli i disertacionit publikohen në shtypin ditor dhe në web faqen e UEJL- së së paku 7 ditë para mbrojtjes publike të disertacionit të doktoraturës.

### **Neni 21**

21.1. Mbrojtja e disertacionit të doktoraturës zhvillohet në lokalet e UEJL- së.

21.2. Para mbrojtjes emërohet kryetari i komisionit për mbrojtje publike nga rradhët e komisionit për mbrojtje publike, i cili nuk mund të jetë mentori i cili e ka udhëheqë kandidatin.

### **Neni 22**

Për rrjedhën e mbrojtjes publike mbahet procesverbali zyrtar, të cilin e nënshkruajnë anëtarët e komisionit.

### **Neni 23**

Mbrojtja e disertacionit të doktoraturës zhvillohet sipas rendit në vijim:

Kryetari i komisionit mban fjalën hyrëse me të cilën e hap mbrojtjen publike.

Sekretari i fakultetit i lexon shënimet biografike të kandidatit dhe aktivitetin e tij shkencor.

Mentori, i cili është njëkohësisht edhe anëtar i komisionit e lexon recensionin me vlerësimin e komisionit për disertacionin e doktoraturës.

Kryetari i komisionit e fton kandidatin që ta prezantoj dhe arësyetoj diertacionin e doktoraturës

Kryetari i komisionit i jep fjalën mentorit dhe antarëve të komisionit për ta dhënë mendimin e tyre për disertacionin.

Anëtarët e komisionit i bëjnë pyetje kandiadit;

Komisioni tërhiqet për të marr vendimin lidhur me mbrojtjen e disertacionit të doktoraturës.

### **Neni 24**

24.1. Kryetari i komisionit e komunikon vendimin e komisionit dhe atë me njërin nga këto vlerësime:

- e mbrojti me sukses të dalluar
- e mbrojti
- nuk e mbrojti disertacionin e doktoraturës.

24.2. Pas mbrojtjes anëtarët e komisionit e nënshkruajnë procesverbalin e mbrojtjes publike dhe ai me të gjitha dokumentet i dorëzohen shërbimit të dekanatit për studime të doktoraturës së fakultetit përkatës.

### **Neni 25**

Kandidatit, pas mbrojtjes së sukseshme, i lëshohet çertifikata për fitimin e shkallës doktor shkencash nga ana e dekanatit të fakultetit.

### **Neni 26**

26.1. Personi që fiton shkallën e doktorit të shkencave promovohet në këtë shkallë në promovimin që organizohet në nivel të rektoratit të UEJL- së.

26.2. Me promovimin udhëheqë rektori i UEJL- së.

### **Neni 27**

27.1. Pas përfundimit të promovimit publik të doktorëve të shkencave kandidatit i jepet diploma për shkallën e fituar të doktorit të shkencave, në gjuhën shqipe, maqedonase dhe angleze.

27.2. Diplomën e nënshkruajnë: rektori i UEJL- së dhe dekani i fakultetit ku është bërë mbrojtja e disertacionit të doktoraturës.

### **Neni 28**

Kjo rregullore hyn në fuqi, ditën e aprovimit nga ana e Senatit të UEJL- së.